

國
朝
詩
鐸

國朝詩鐸卷十三

錢唐張應昌仲甫選輯

軍餉

撥餉歌

任璿

上世兵民合中古兵民分荷鋤與負戈傷哉兩苦辛幸
際昇平世勿忘征戍人萬里山川道星羅而雲屯可使
庚癸呼殷憂動至尊足食厯先事特詔司農臣乘茲
歲之暮持籌計來春或需百畝稅或頒左藏銀飽騰遍
溷黔轉輸先晉秦燎然如觀火千百次第陳余也佐版
部國計蚤相詢恐學官禮誤羞稱桑孔言度支有成例

武備豈具文。寄語沿疆卒。莫負百年恩。

屯政初就發刮耳崖作

查禮

粵稽屯營兼古制營田者民屯者騎且耕且戍以代糧

充國會聞省大費術由經濟學誰傳本原悉具晁錯議

屯田始於晁錯趙充

渭濱許下淮與襄

武侯屯田於渭濱任峻屯田於

許下鄧艾屯田於淮

南羊祜屯田於襄陽闕土未出中原地宋熙豐間役邊

州兵民並得同趨利丁夫調遣雜咸平功實難成廢則

易營州獨數唐慶禮

慶禮請於營州開屯八千餘所招安流散數年之間倉廩充實市邑

浸繁宋代惟有范公比

文正大興我

朝中士既寢繁太

平日久無荒棄遐荒絕域入版圖雪山今亦邀撫涖降

蠻賣馬以買牛戍卒拋戈執農器依山傍水結田廬雞
鳴犬吠聞次第我來自春去及秋新舊風光頓覺異教
養還須俟後來刮耳崖邊詩作記

轉饒行

張雲璈

轉饒復轉饒山高高水潏潏轉饒復轉饒馬瘠僕痛我
鞅掌十萬之鞘二百人長途絡繹來踈踈王事孔亟
毋遂巡筭汝詈汝汝莫嘖過縣換夫索夫價長官對之
生怒罵爲道途衝官又貧應接須知日不暇郵亭一宿
殊草草隨例盤殮不能飽有時驅之入民舍茅屋荒涼
雜傭保蚤起喚夫夫一無縣堂打鼓催雇夫司閭醉醒

不知晏自朝日中還及晡天寒日短行不到昏夜不丁
荒山隅大地黑無一星火束縑直比千金壺前鞘後鞘
不相及雖有嚴責其誰辜皇天著意困行旅滕六葛三
肆狂舞兼旬雪沍三尺深又降淋浪十日雨羊車沒輪
馬沒腹輿夫欲前難駐足荒荒曠野有戒心冒險仍從
路旁宿倦不能寢饑不能餐北風勢面生嚴寒一身以
外遑敢顧但保我鞘亦無苦吁嗟乎從來立法本自良
護持煌煌令甲張兵丁二十役二十衛而出境無恆勦
如手護頭臂使指縱有不虞何庸防卽今名實全不副
更無一卒來趨蹌惟賴孱奴六七輩當車未免蝻螳螂

若非 朝廷有威福公餘之覆將何償君不見昔年失
鞘樅陽東去年失鞘在宿松回首往事使心悸我欲投
書文武吏

吳俊轉粟謠見力役門

運糧謠

楊 揆

兵行何速糧行何遲吁嗟糧行曷敢遲試聽役夫前致
辭有山不能牽車有水不能泛舟一夫負五斗晝夜往
復無停留艱哉巍巍山路缺北愁霖匝月不肯晴曳踵
齊呼泥滑滑道逢官騎絡繹來軍符火急行相催但聞
將軍令敢惜役夫命長途喘吁力已疲視其後者從鞭

之可憐有生同愛惜甯作征人死鋒鏑莫作糧夫死驅迫

糧行速士氣銳糧行遲夫力憊糧行遲速須有時前軍所到糧宜隨崇墉露積懼紅朽升斗不繼愁朝炊官來唱籌日無暇絜橐攜囊滿平野軍中不識轉運艱索米有餘還飼馬役夫躑躅涕泗零銜悲欲語仍吞聲官兵十日可以不殺賊不能一日不再食但願官兵殺賊多役夫甯敢辭奔波。

軍器

鬼子劍

張淦

鬼子之白白如雪鬼子之黑黑如漆對客含笑雙眼碧
腰間插劍長三尺解劍長跪奉上官劍未出匣氣已寒
陰風蕭蕭霜氣團上有奇字橫闌干細如錐薄如紙光
鑑髮柔繞指以刺人人立死鬼子劍殺苗子吁嗟乎我
兵一萬三千人安得人人盡持此

跳刀行

樂 鈞

兩人扶刀夾几立一人赤體穿刀入刀光潑水凝秋霜
五體磨刀刀不溼以頭據几腳撐空後刀當背前當胸
折腰欲下復不下前刀當頂後當膀几上四面刀相環
凌空飛出刀中間最後躍登層几上反身一跌勢千丈

口銜手握刀縱橫一笑收刀神轉王吁嗟乎踰鋒投鉞
眞凶危能透劍門徒爾爲絳頭毛面猶騷動如此身年
殊堪用安得召募此輩千萬人充補一隊銀刀軍提刀
斫陳礮羣賊拍張三公應可得

戰守器具詩

馮詢

封之以瓦礮約之以布囊賤雖等泥沙用則能飛揚任
教勁敵軍有目不敢張

灰

選石無定程用石無定式要惜石如金入手不妄發探
城防草人石盡出眞賊

石

霹靂非不豪杲置近愚憊一動關兩人擡礮有妙用苟

未相厥機安能發必中

擲礮

人人集擲牌礮必擲牌地能擲不用牌露立看敵至巧

固賴見機懼亦重臨事

擲牌

黃竹鑿使通白茅束使逼體有十尺強氣可百人敵放

出大光明散作小霹靂一條銜燭龍四射含沙蜮

噴筒

凡箭利用穿惟火法取墜雀足飛上天

雀足加火飛入城壘見隋書

雉尾拖到地

雉尾炬見宋書杜慧度傳

炙地復燒天攢炬何由避箭

一響落飛禽并州小兒事奈何今戰場恃此爲利器便

成士卒功殊失丈夫氣

火槍

蜀地出井油火得水愈迫陽以陰而旺燥以溼而發相

尅轉相生誠非敵所測安得滿江紅燒賊如赤壁

井油

火彈豈不同勝旺敗則熄英雄手一丸氣燄關可塞親

見救城時冒死彈互擲賊退論城功焦頭作上客

火彈

一木已難支況是木旣倒卻以倒爲支危城賴可保軸

如轆轤轉刺如荆棘抱

周身密排木釘

又似筆陳橫一落千軍

掃滾木

旗以言乎期與衆期聯羣起伏卻無常出沒如有神斬

將必先奪一竿繫三軍氣靡則已衰遠視防敵人

旗

設牌以衛身衛身已自惜要在一往前冒死目無敵殺

機牌爲伏殺氣牌外溢牌盡突見刀萬人勢辟易

牌

屯田

眷兵行

劉時英

十萬入關徙富室富室一徙存什一美田華屋遷不得
自入函谷聲寂寂我朝籌邊廟謨精不遷殷實遷壯
丁復慮遠戍動離愁乃許攜眷塞上行君不見壯士出
門不回望箭在囊中弓在韆數杯濁酒壯行色妻奴歡
笑歌車上行抵屯所守且耕武講農隙厲甲兵不須歲
歲議防秋綠野授戈起柳營舊戰場區新黍稷萬里長
城控西北益信善取貴善守漢代何曾得上策

黃子雲葵誠向詩論營田篇見政術門

查禮屯政初就篇見軍餉門

徙兵行

時詔徙伊犁屯田

蔣業晉

今皇神武開遐疆西域酋長皆來王臣其氓者治其地廟謨遠略何堂堂屯田塞下古有制直銷金甲歸農桑詔書特下涼州郡徙兵遠戍催束裝非常之原黎民懼一時詎忍輕離鄉重臣遙遙仗節鉞撫循備至逾三章此去莫畏關塞遠但有耕作無戎行鋤耰棘矜雜弓箭馬駝車乘儲芻糧或負或戴紛道路甯棄妻子拋爺孃大漠烟生塞草白長河日落邊城黃到時穹廬共處處不煩相度觀陰陽出入相友更相卹宛如同井無

參商壑關日擴毋或惰人力自可開天荒我聞安邊易
致富金可作粟馬如羊又聞折膠秋氣肅控弦士馬雄
籌防 皇威萬里震沙漠狐兔蹤跡潛逃藏羗渾部落
久雜處一稟漢法無披猖爾輩于焉自蕃息玉門關外
寬輸將我來絕塞感羈旅恰逢荷戟趨氐羗風急吹笳
動悽惻月明倚劒空慨慷

邊防

黃子雲葵誠向詩邊東夷篇見政術門

甯夏

兩蕃部

牧靈武作靈武隸甯夏

楊芳燦

漢代始開置徙民實新秦遂收西郡地賴此爲本根當

時走白羊依山繕城垣雖云阻一面三面垂在邊西北
固磽坼種族蝗生蝻自周無上策何論漢以還棄之弱
三輔守之孤外援破完補一敝其勢無兩全爰稽勝國
時遺事可悲煎套地何么麼穴此井底天東馳逼環慶
西突連岸并此間大河險蹂躪爲通津并蜂起肘腋掩
鬼不及奔時聞出賀蘭殺人潛草間我朝大一統封
域極廣輪蒙鄂兩蕃部內屬爲世臣迄今百餘載膜拜
奉一尊平靈數口道明制表閭門詔許通互市弛
禁薄其緡橐駝馬牛羊彌山塞郊原王公大貝勒封爵
被國恩藩部郎主之玉節乘輜軒賞功馭有罪動息

必上聞治以中國法。人以中國人。有如馭驂馬銜策。令其馴。又如哺雛鷇。七子養則均。馴由天子義。均由天子仁。美哉此道行。萬古無邊塵。

苗獠

苗民篇

李澄中

黔山苗民異顏色。長養子孫成絕域。至今千羽憶虞廷。格心實借三句力。布裹頭顱毛髮蒼。垢埋面目塵埃黑。富者雙鑲垂兩耳。漫谷雕題與鑿齒。青蠻白蠻紫姜蠻。宋子蔡子龍家子。羅鬼谷蘭狗耳龍。短裙紅花不一氏。道旁苗婦妝飾工。銀鑲盈尺何玲瓏。跣足艸履鬪捷狡。

行滕在股男子同臂上繡錦衣短後裙腰細褶鮮花紅
繭黃蠟綠朱罽包徧身雜綴彩色交俗傳九種殆其半
拂之瞋目時咆哮天生此物占荒徼流民希少無衡茅
紅苗崛強化常梗狎家跳梁勢尤猛自古豪傑靖邊疆
仁心駕馭兼機警莫教長吏肆貪殘遠人含冤思一逞
并剝故郡窮且荒山高田少多流亡家苗租庸困已甚
生苗叛服原不常我行欲繪苗民苦日日輟軒徧鬼方

徭洞行

醇源日澆漓習俗觀蠻獠谿人蠢愚風往往合古道嘗
疑晉桃源邂逅秦翁媼絕境昔未通神仙同縹緲山徭

今見之打寮深窅窅熟者解讀書塗雅漸成稿亦出應
懸科襪襪具文藻免徭是名徭隋志固稱好口計納貢
資齒長紀年稻石巢壘茨根風篁被蘭草約信乃羈縻
散朴由戍堡舒亶平賦來徵材劇繁擾騰猿五峒驚飛
虎入路討此輩實椎儲間隙况不少其先病誅求其後
死盪勦大戮盡蚍蜉嶽然電一掃何者匪王民誠求誼
如保所以收要荒要使安溫飽所以密伺防要與其甘
蓼選賢移苗疆忍遣民鄙天休息乎無爲誰爲百城表
宋史孝宗淳熙八年立縣學教峒民子弟見本紀又
崇甯二年正月知荆南舒亶平辰沅徭賦二月遣官相
度湖南南北徭地取其材植入供在京營造幸棄疾
爲湖南安撫別創一軍以湖南飛虎爲名禦夷獠

桂夢湘采草歌見稅斂門

平苗篇

乾隆六十年春正月黔楚之交苗民不靖大吏奉命討之冬十一月軍中文報至

云苗勢日蹙指日蕩平因作此詩

吳翌鳳

五溪古荒服攢嶺箐深箬中有苗人居傳自槃瓠裔
狔狔狔狔狔其種不一類榛狔無知識而苗獨狠戾白花
與青紅別衣以爲識織罽爲桶帑鎔金作纏臂緣險走
若飛多疑性偏忌有時結門款各峒歃血誓約緩急相救謂之門款旦旦
守信誓三苗分北後壘縻不深治後世設上官專責使
聯綴猶然肆劫掠出爲邊鄙累我朝大懲創歸流盛
防衛不以化外視一氣歸陶鑄奈何復跳梁乃致煩天

吏推厥起釁由積漸非無自熟苗人版圖供役如奴隸
生苗職賦稅深藏若魑魅布寨衆星羅纏腰一刀利恃
山以爲險桀驁本難制嗣長苦誅求恐喝自其計有司
不時察漢奸復旁熾激爲走險心遂成負嵎勢紛紛徧
崖谷擾擾無行次兵來鳥獸散兵去螻蟻萃焚掠市井
間洶洶肆吞噬致令蚩蚩氓肝腦塗邊地 帝心赫斯
怒 廟謨以次示上公偉謀略中丞儲糗糒桓桓諸將
校秉令不敢貳峻嶺側足登深澗斷壺濟總此七萃士
策入抵其遂羣苗驚不測螳臂奮一試槍急萬人呼
制死不遑避橫空結陣雲陰峒消瘴氣積骸莽山岳捉

生痛殲雉指日渠魁擒清埃斥竿幟鐃歌馬上奏班劔
軍前賜靈雨洗甲兵長風掃孛彗南人不復反編戶悉
安乂伊昔重華朝舞干載典記武功與文德千古歸一
致卷櫜功旣成善後事非易勉哉守土官惠政起凋敝

苗官行

有議裁苗官者因賦此詩

陳文述

以賊攻賊賊乃平以毒攻毒毒乃行苗民祇合以苗治
不須清酒之誓黃龍盟約束等鄉老傳宣類通事苗官
雖名官原無官體制亦如土司謁漢官漢官威儀嚴且
尊苗官更比土司小祇有拜跪無盤桓鏘鏘之鈴鑿鑿
鼓歌是苗歌舞苗無苗女如花十三五漢官漸被苗官

蠱漢官日以靡苗官日以驕大吏議欲裁苗官所慮煽
動蠹如鹿豕之羣苗苗民自有苗風氣想見高辛年代
事治法從來要治人漢法先應嚴漢吏我聞苗境多鐵
而少鹽苗刀如雪輕且銛淮南苗鹽具文耳兩淮例有
以供三廳苗食均在漢口私售以
重費賂三廳易回文備案而已以鹽易鐵通兵鈴苗
鐵漸少苗情柔教以禮義化可流不見蘆笙跳月歌嫋
嫋亦復聰明婉變而綢繆苗性不易馴苗俗亦難改儉
乃可久簡易行賴有苗風至今在苗質渾噩猶胚胎苗
心混沌如嬰孩兩階干羽有苗格苗官既設休輕裁

乾州觀苗女采茶作

江紹蓮

乾苗飲水不飲茶滿山茶樹生極杈苗女采向市上賣
易得官錢償米債日出負籠嶺上行籠中時聞兒啼聲
手掩兒口使勿驚山中虎狼晝啖人男子行自山下過
指說山尖葉更大坂援榛棘踏巉巖過午腹中猶忍餓
筠籠攜出帶山烟亂髮蒙頭殊可憐城中少年心計惡
盈筐不值幾文錢共說苗性如虓虎誰知苗力實勤苦
豪強虐苗官不問吞聲忍泣含冤忿况聞官吏多誅求
挺而走險固其分吁嗟帝德浩無疆參養不遺雞與
龙區區繫瓠亦人類願體天恩靖遠方

湯鵬五源行見善政門

連州行

湯鵬

楚猿頑梗尚可導
粵猿生獮難與校
赤崖閉寨無地天
白晝攫人如虎豹
帝念四遠無不臣
敕編猿戶熊猿
民摘環薙髮歌康衢
永無兵刃臨汝軀

島夷

憂西夷篇

歐邏巴即西洋也自古不通中華明萬曆末其國人利瑪竇等始來以天文奇器售其術招集徒衆欲行所奉天主之教識者憂之○按是詩在夷亂華八十載前已見其端

程廷祚

迢迢歐邏巴乃在天西極
無端飄然來似觀聖人德高
鼻兼多髭深目正黃色
其人號多智算法殊精特外此

具淫巧亦足驚。算識往往玩好物而獲累。萬直殘忍如火器。討論窮無隙。逢迎出緒餘。中國已無敵。沈思非偶然。深藏似守默。此豈爲人用來意。良叵測。側聞託懋遷。絕遠到商船。包藏實禍心。累累見蠶食。何年襲呂宋。翦滅爲屬國。治以西洋法。夜作晝則息。生女先上納。後許人間適。人死不收斂。焚屍棄山澤。慘毒世未有。聞者爲心盡。非族來何爲。窮年寄茲域。人情非大欲。何忍棄親戚。諒非慕聖賢。禮樂求矜式。皇矣臨上帝。鑒觀正有赫。

遊天主堂卽事

趙懷玉

戢戢番人居。車過常遠眺。今來城西隅。得徑甫深造。其

徒肅將迎先路爲指導少憩揖而升居然煥寢廟香花

中供養壁繪天主貌曾甦垂死人能謝洪波權

壁間所畫天主

蹟亦無甚奇蹟彼特過夸耀謂自開闢來竟絕人與肖

樓頭旋奏樂彷彿八音調轉捩惟一手吹噓殊衆竅更

喜火發奇迸如劒躍鞘觸機四肢振匪藥百病療右築

觀星臺儀器匠心造橫鏡曰千里使人齊七曜迺於窺

天微兼得縮地妙所惜昧機祥但解推蝕朓或云利瑪

竇始由勝國到豈知貞觀間早有大秦號胎源出祇

玉篇

阿憐切闔中謂天爲祇徐鉉增入說文

神不外六科要徒爭象數末詎析

理義奧聖化溥裨瀛重譯不煩召治厯首明時量能

爰策效吾儒通三才本異索隱誚因疎專門業致被遐
方奚太息遵歸塗高林澹斜照

英吉利歌示使臣米士德

陳文述

英吉利爾國安在去中國大皇帝所治中隔十萬餘
里大瀛海英吉利爾何所能能製鐘表辨漏刻能織呢
羽爲毳毼英吉利爾何所見大郎山頭看南斗鸚鵡羣
飛綠成片英吉利爾來何意海西小島如蜉蝣傾心皈
依大皇帝皇帝萬歲萬萬歲兵力能伏汝大度不
貪汝土地汝願隸典屬國萬國雅珍有成例純皇在
御癸丑春爾國入貢羅奇珍不貴異物不勤遠任爾化

外爲藩臣英吉利爾誠傾心皈依 大皇帝表文宜合

格使臣宜習禮任土作貢毋自異寵賚便蕃酬汝意

皇帝萬歲萬歲萬歲書入貢英吉利

緣庵詩話曰音節合古立言得體

雜感

汪仲洋

九州復九州海外國無數蠻觸互吞併華夷不相慕永
樂通西洋睢盱競內附舶主乘潮來島帥租地住通市
致奇貨沿海漸多故船堅礮復利萬里一帆渡飛行無
定蹤守險扼何處勦撫兩不受張弛更番誤卻憶醫家
言補瀉不參互毒重而藥輕攻之或牴牾方劑弗妄改
沈疴終拔去病者求急效醫者失故步素問多奇方亦

復何所措

昔者班都護西域久相安塞下非孝順馭之惟以寬柔
祖偶乘快終日心不歡喜怒稍過當懸知受者難海外
極荒遠狀貌疑神姦恣睢不平氣馴之猶梗頑禁物皆
奇貨勒繳失請還嚴峻定條例威厲行諸蕃但欲絕流
弊詎知啟兵端擾龍涸其水驅虎離厥山蛇驚脫鱗困
犬邀搖尾憐窮蹙已無地請張乃訴天奉使不辱命夷
人稱好官平心論功罪臨風一悵然

澳門住鍼舶弊政啟明祖相沿五百年華夷迭賓主氣
驕頗難折勢弱猶易撫諸蕃羨金穴往往爭纂取賀蘭

佛郎機樓船屢捍拒倫墩最兇狡志豈在商賈吾聞海
外國大小紛難數偶泊暎夷船奇貨快先覩豈料藏奸
險相歡極媚嫵虛實審言笑奇正勒鉦鼓併吞分屬藩
破滅奪疆宇沿海數萬里氣勢漸聯聚今乃狃故智愚
弄到中土閩粵猶藩籬江浙近門戶築館結巢穴何以
防窺竄

夷船來

陳春曉

南風薰夷船來 皇恩浩蕩海門開海不揚波捧紅日
中國 聖人知首出許爾夷船輸貨實奇技浮巧悉罷
黜 天朝柔遠始通商不貴異物詔誥詳豈知爾土產

最惡阿芙蓉乃腐腸藥製成鴉片脩誰作吸食家家一
燈灼勤者偷惰强者弱爾國厲禁再三約流毒中華以
爲壑宰官素稱賢衙齋晏尙眠健兒好身手弓刀忽卻
走粧閣漫漫長夜長禪房寂寂香復香下至厮隸工伎
役不能一日無烟吸人海迷茫齊溺沈包藏誰識夷心
黑天朝藏富本在民貫錢朽腐山鑄銀以彼泥沙易
我寶捆載而去來尤頻數十年來億萬計欲壑無窮販
成例高牙大纛職海疆文臣不言武臣弊鴻臚諤諤心
樸忠謂黃公萬言入告陳九重奸夷化外只圖利嚴
刑乃可除澆風吸食者斬罪無赦庶幾不墮彼術中

珠江樂府 鬼子街

袁翼

櫃興竹扇鬼侍郎碧琉璃眼蹠鬚黃黑者爲奴白者主
十三海國皆通商鬼婆握算工書記鬼兒盡解漢文字
奇技異物安足珍坐令中域銀山棄剗骨剔髓不用刀
請君夜吸相思膏

俞家莊歌

俞家莊者浙江嵎縣一小村落也道光

齒欲甘心焉一日捕魚海上見有夷船停泊其
入其船奪其兵仗殺夷人過半拆毀其船取其
貨物以歸意夷人必來報復乃操小舟十餘隻
載稻草菅索捕魚海上如故不數日果見火輪
船二揚帆來鄉民俟其近各懷利刃躍入水中
密以所攜稻筐繫兩輪旁船不得動夷人方愕
然鄉民已躡火輪上出利刃擊刺夷人盡殲焉
取其貨物防守益固夷人因不敢入嵎縣境而

一邑無恙陸伊湄大令有庚辛日記言之
甚詳余聞而壯之賦此詩以貽采風者

顧翰

暎夷聲勢不可當到處焚掠恣披猖聞風畏懼爭逃亡
挫衄乃在嵎縣鄉嵎縣鄉民有何長終年力田菽稻梁
入水捕魚以爲常側聞夷人紛刳攘胸懷義憤志激昂
恨不剗刃屠其腸一朝拏舟在內洋瞥見海舶高帆檣
乘勢突入夷人艙舉手奪得刀與槍夷人多半被殺傷
僅有一二得遠颺折毀船板如排牆拋棄毒土無遺殃
所獲財物兼軍裝父老竊歎見未嘗鄉民歸去心思量
重來報復勢必張有備無患宜熟商各挾匕首懷中藏

依然海上鳴漁榔載有營索與稻筐如侯寇至來齎糧
天風海水聲浪浪果見萬斛來龍驤游鯤擊水同飛翔
鄉民此時亦不忙一一躍入波中央潛行水底如周行
密將所攜繫兩旁使彼火輪似耳瑠不得轉動如旋牀
夷人猶然蜂綴房鄉民粹至殊倉皇斫落夷首如刲羊
但見鮮血流滂滂遺有貨貝數百箱遂令窶俗成豐穰
夷人自此心怯慙不敢擾害來茲方庚辛日記言甚詳
我初聞之喜欲狂我思將帥身堂堂天戈所指天威揚
詎無弧矢射天狼我思材官羽林郎冠飄孔翠乘飛黃
詎無勇氣赴敵場我思節鉞專封疆高牙大纛何輝煌

詎無偉略籌邊防我思牧令稱循良平時惠澤流甘棠
詎無衆志成金湯我思宰輔居巖廊出入帷幄資贊襄
詎無碩畫恢宏綱我思侍御依天闈手執白簡排風霜
詎無上策呈封章我朝德意何昭彰能令萬國來梯
航臣民累世蒙樂康妖星偶爾吐角芒爭願同澤兼同
裳君不見小可敵大弱敵強靜能制動柔制剛保護宅
里如苞桑小小乃有俞家莊俞家莊歌慨慷作此歌者
顧兼塘

紀事

朱綬

市舶通商久何年載鴟媒里閩添嗜好山海竭資財世

事行將轉民生劇可哀爾曹急前濯 天怒赫難回
海外驚章疏中朝大有人狡謀當可詘頑俗庶能馴奉
法須良吏防邊恃重臣毋令狐兔輩藉口啟兵塵

天主堂

姚燮

狹壁搜至冥百靈一孟漚包羅乾象森勃宰五洲海間
然龍氣寒飈地被青髯方桷彫堊丹華蟲綬回彩深日
嵌畫旒綺月拓飛陛似舞刑天戈來鞠貳負罪其神冠
帝皇其名混元駭高準鼻類獅銳角耳同獬牢尼三劫
輪規球掌中擺叉指側右肩口哆意有在魔母肖婉矜
兜胸燦球琲項繡纒露花鬢偏鞞烟茝媚睇山鬼淫媚

笑洞狐駭倚膝耶穌兒了髻索黃爛謂是虛無宗命作
造化宰漢歷元壽遙禩運遞子亥救世來拂荏肉身不
遭燬幻以契利沿術從瑪竇給法徒十二人分支守宗
禰宣教揚秘文遺蠱毒千載誓盟俾斯玻衆惑結難解
唾拾釋老餘上紊六經楷粵昔明神宗賓而賜之邸竟
欲綱常誣遂釀釁禍始咄嗟宗伯馮鑒識極庸猥坐使
閩廣天東南陷淵底金陵稱文邦扶儒首徐李潤飾六
冊書抗衡五斗米卓傑珂徐如與輝晏文疏辭明大體
摧折青白蓮頽圯蕩焉洗蒼龍衛聖朝彤雲覆萬里
大統持中星弗崇絕激坡黔黎踐仁義奸誘辨羗鹿詎

愛人頭錢下受狗獺貽此堂雖兀存櫺荒偃戈檠試瞻
太學門祥赧白瑰璋

甬江行

黃燮清

甬江東連海水白估舶番檣密於櫛碧眼夷奴識寶氣
萬里浮家來作客繞城結屋三里餘霧閣雲窗照金碧
聖朝寬大示羈縻內外一家漸相習近聞海寇極縱橫
中原多故未遑緝夷奴趨健頗效順翻爲商民擊盜賊
巨艦峩峩銜尾歸百戲酬神夜繼日以虎禦虎未足恃
但計近功豈遠識銷鑠黃金熾火輪重貲贖壑能無竭
古來邊釁由利開官司撫御要有術浙東寶玉是鄉多

亂後維持誰所職紛紜歌舞炫承平若輩蚩蚩何足責

有感四首

吳嘉淦

豈有腥羶可結盟通侯籌略遜書生降旛初墜朝開壁
遊騎潛來夜斫營一隊孤軍關壯繆全家并命卞忠貞
試憑烏涌東西望月暗風高哭楚兵

險絕孤城大海東鴟張虐欲肆環攻曉峰草化愁燐碧
遠島霞凝戰血紅齧指霽雲能慷慨納刀光弼本英雄
擁兵苦恨諸專閫坐廢牙軍六日功

寶氣衝天寇燄消將軍準擬絕天驕三公謀國終牽制
一柱迴瀾駭動搖馬上方思擒頡利軍中先痛失嫵姚

大星墮地餘芒在膽落妖酉沸海潮

雉堞嵯峨壯海濱聞風先已關重闌早知揖盜資行李
底用增兵費算緒官吏潛蹤同伏鼠商民逐貨似遊鱗
沈江惟有楊臨賀肯與袁崧作替人

火輪船行

薛時雨

古聖製器禁淫巧舟車所至軌度同山行澤行兩不素
各執藝事遵考工掌火勿使泊水國爲輪焉可施骸體
聰明智慧匪不逮人力未肯爭神功泰西重譯議互市
蕃舶絡繹來南東壯猷方叔講禦寇納幣益樂求和戎
從茲奪我舟楫利風濤馳驟驚蛟龍我生守拙羞關捷

望洋奚肯蠶語通長江千里阻賊盜海門一綫留吳淞
裏糧糈被姑就此登舟駭視疑鮫宮黃鬚碧眼逞狡獪
綠窗粉壁誇玲瓏沙棠堅緻鑄白鐵火瑄燐耀磨青銅
兩輪相向勢迅疾雙鑲暗綰聲琤琮中間樞紐各自備
旋轉畧仿候辰鐘煙燄一發關振動陵轍海若驅豐隆
以火制水水陡沸以輪踏波波怒衝錢江射潮奮鐵弩
平原較獵馳花驄好山好水一霎過眼花撩亂無停蹤
晝發潯陽暮皖國夕陽明滅龍山峯夢迴日出見白下
江南江北青濛濛老酋睨視不假道時粵賊納踞金陵旌旗搖
曳張城壙外夷威且懾內賊胡爲盪寇無英雄欲圖攘

外先靖內沿江何日銷狂烽臨風擊楫三歎息自斟濁
酒澆心胸蜃樓海市忽復近春中山黛浮杯中

聞定海鎮海乍浦寶山上海京口諸警並見夷帆

逼金陵感賦

湯國泰

我皇臨六幕永清無欺蔽迄今二百年雨露廣霑被
聖神而文武柔懷而神畏航海與梯山遠譯共球至疆
無有不庭耀德兵不事胡爲小醜來跳梁掉螳臂公然
扞大刑奔狼而突獠島夷越重洋披猖敢犯內鯨浪翻
吟龍舩鋒鬪猛鷺英吉利船名蜈蚣以形似得名銃礮搜桅端慘慘風
先吹火輪運檣邊縷縷煙忽熾霹靂轟從天豺虎餌滿

地闢虎門厦門擾閩界浙界舟山暨寶山失我數大帥

提督關公天培總兵葛公雲飛鄭公國鴻
王公錫朋江公繼芸謝公朝恩祥公福可憐吳淞民

哭聲咽泖泖孤軍救無援又痛長城壞東南一柱傾蒼

生於何賴三載防堵功垂成一朝敗
陳軍門化烽火燎

天紅墨煙蒸海沸由是賊膽張煽毒逾狡獪蘇松常鎮

間噓凶漸擾害遂虜子與女遂竊金與幣遂辱及蛾眉

遂雄逞鷹鼻閭閻歎此僑室家嗟播棄江邊屍積山魚

龍爭唼飼我時羈江南大江頻傲睨諦觀夷陣容烏合

同兒戲鷹畫雙單形鬼分黑白類短衣笑猿猱突袖啗

奴隸以彼較中華豈非人類異去城復入城貪恠惟攬

利譬諸小人中直與盜賊例何以對 天顏而乃行無
忌軍復殊鸛鵝陣不講魚麗所恃礮船耳何不先發制
禍原啟梅墩芙蓉召兵燧自林制軍焚鴉片義律遂作
難裕帥憤粵中議和之非策
督師甬東時擒戮白鬼夷遂再陷定海梅墩在定海外防海人豈無龍虎卽管毅
明俞大猷威繼光製礮人豈無文開卽霍魏世倘有其
有俞虎威龍之目
人火攻今堪試何以紓 帝憂何以擢軍費始歎石頭
城烽烟今見二順治九年鄭成功由海
入江破京口而圍金陵愈欽 睿慮神
千年如覩記康熙五十五年十月
各國千百年後中國恐受其累此朕逆料
言之

吞聲行

王柏心

國朝詩錄

卷十三

島夷

三

孟氏戒言利吁嗟言之長家國奪不饜爭端多殺傷豈
知百世下華夷汨其防窮島十萬里豎亥所難詳算解
啟互市毒禍機牙張鼉怵尾閭溢沸天撼扶桑鰥使抗
盟會鮫人雜冠裳郡國徧海市乾坤爲權場罄盡九州
血不充鯨鰐腸蟹母五都集蜃樓千尺強祆神鼓雄誕
二氏莫能當駟僮擅擊斷裂盡百王綱哀哉禮義俗化
爲鱗介鄉夷吾不復作姬旦亦已亡吞聲勿復道天道
猶茫茫

書所見

辛酉二月

又

賈胡翻作伏波留紫蛙明鱗映蜃樓莫信羈縻求內屬

豈真文物慕中州。金牛炫蜀能無詐。壁馬欺虞大可憂。
但使天威終震疊。不妨權計示懷柔。

雜感

又

窮髮奇肱混職方。開局撤盡九州防。介鱗上湧樓臺氣。
戎馬中開樵市場。天下倒懸驚未有。域中包禍歎非常。
周家德厚形偏弱。微管於今獨感傷。

十哀詩

趙函

哀虎門

弔廣東諸將也

道光庚子冬粵中和議將成督部遽撤戍守逆

夷乘不備攻破沙角大角二礮臺三江副將陳連升及子舉鵬死之父子殺賊多賊判割其屍明年二月賊驅火輪船入虎門守兵僅數百人提督關天培請援兵督部堅不發提督力戰不

支自刎死水師游擊秦廷章亦殉焉同時鎮守
總兵祥福率楚兵守烏涌戰歿岩山游擊沈占
鰲守備洪連
科同拒賊死

沙角已毀大角摧陳安父子同飛灰紅彝大礮破浪來
師子洋外聲如雷虎門將軍壯繆裔報國丹心指天誓
兵單乞援援不至南八男兒空灑涕賊來壕鏡窺虎門
海水騰沸焚颺輪揮刀赴敵惟親軍一死無地招忠魂
賊勢鴟張楚兵哭烏涌東西等破竹吁嗟乎督師議和
和不成召寇親至蓮花城是年正月督部約夷目義律至蓮花城議和不至

哀廈門

弔福建諸將也

辛丑四月粵省和議成夷船退出虎門各海口

方議撤兵夷人復易領事頭目再擾廣州七月
犯福建泉州之鼓浪嶼直攻廈門金門總兵江

繼以救護砲臺落水死護延平副將凌志署
淮口都司王世俊水師把總紀國慶楊肇基季
啟明皆力戰死廈門陷總督率道將以下退保同安

夷人擁兵作商賈飢則飛來飽颺去五月甫退零丁洋
七月復來鼓浪嶼泉南要隘首廈門屹然雄鎮清海氛
一朝樓船不設備遭此豕突兼狼奔蹙臺拒賊江繼芸
落水甘被蛟龍吞王都司偕凌協鎮大礮一震身同焚
吁嗟乎裨將材官氣何勁披髮叫天同授命高牙大纛
何所之傳令內渡先班師

哀舟山 弔定海三鎮也

夷陷廈門後再犯定海

總兵鄭國鴻定海總兵葛雲飛同守定海賊至
拒戰自八月十二日至十六日我軍屢捷十七

日賊由陸路攻曉峯嶺王鎮砲傷一足猶揮軍
進賊憤奪其屍去轉攻竹山門鄒鎮中砲死復
攻東嶽宮葛鎮勢孤亦戰死是役也三鎮苦戰
六晝夜殺賊甚多卒以海外無援同時授命

舟山孤懸東海東兵燹之後人烟空逆夷再至稱報復
舍舟登陸環來攻三鎮屯軍作犄角屢出奇兵賊已蹙
賊分三路轉戰來擡鎗火箭如崩雷百戰威名壽春鎮
浴血滿身還斫陣曉峰嶺頭挫賊鋒六日相持氣爾振
我軍下壓賊仰登勢與鵬鶚同飛騰一礮山前將星墮
奪屍竟去誰能爭竹山門東嶽宮賊所到處煙焰紅鄒
葛二鎮同戰死天教鼎足成三忠吁嗟乎舟山之戰止
此三鎮成三忠從而死者壽春一旅悲沙蟲

哀蛟門

弔裕節帥也

逆夷既陷定海游奕蛟門窺視鎮海欽使兩江總

督裕謙督兵駐鎮八月二十六日賊船分泊沙

嶼嶺招寶山後及鎮海北門先由沙嶼嶺登陸

攻占金雞嶺狼山總兵謝朝恩拒賊死提督余

步雲自招寶山遁回關江埠賊遂占招寶山舉

礮攻城裕督待提督之援不至賊陷北門遂自

沈於泮水縣民救送郡城又送至紹興薨于途

裕公為班將軍第之後朝廷以祖孫殉

難優卹賜諡靖節逮余步雲入都伏法

招寶山前挂紅旆山頂飛來礮子大小船已塞嶼嶺邊

大船仍泊蛟門外節使督戰東城樓指揮將士無時休

金雞嶺頽一將死招寶兵散難重收援師只待提軍至

提軍引騎先他避麾下已無敢死軍陣前短盡英雄氣

倉黃殉節泮水旁縣民救出行悵悵一宿入郡城再宿

渡曹江興中畢命還錢唐 九重卹謚書旂常祖孫雙

忠圖紫光吁嗟乎喪師失地臣死罪一死烏能收覆水

浮言既雪功罪分歐刀迺戮余提軍

哀甬東 弔甯波陷賊也

八月之晦夷船泊甯郡靈橋門下登岸劫掠將

吏閉城西南門避賊道府以下及兵民紛然奔竄賊遂據郡城出條告通貿易聽詞訟官軍僅畫曹娥江以守郡城鎮海定海俱委之賊欽使揚威將軍至浙東復誤用間諜為賊所給兵復敗輟自是軍謀不輕言收復矣

督軍已死提軍走鄞江劇郡誰為守礮火直撲靈橋門

一闕空城散鳥獸羣夷入郡升堂皇漢官體制夷官裝

居然判斷受訟牒侏離約略成三章有黑夷者犯姦盜

法不稽誅懲桀驚郡民殘喘此暫延翻苦官兵肆凌暴
吁嗟乎軍謀給賊墮賊計入城已無旋馬地大軍拔寨
回旌幢一水畫斷曹娥江

哀乍浦 弔乍浦失陷也

先是浙軍募鄉勇有糧船水手青皮黨李姓者

率衆數百人應募給六品頂戴統其衆守乍浦
逆夷昔時至浦賣煙土有閩省鄉勇爲之交關
李率其黨劫掠閩人閩人訴於賊王寅四月夷
逆至浦舉礮焚滿洲營李衆爭先出戰閩勇倒
戈相向賊乘間陷乍浦死事者同知韋逢甲千
總韓大榮二人都統鎮道以下俱退避郡城兵
勇四散李黨復在郡殘殺閩人郡城大
擾將軍耆英至始擒治數人民心稍定

羣夷巢越東久有浙西志龕山潮不平尖山潮又滯打
鼓揚帆抵乍浦此是商船舊門戶往時賣土不帶兵今

日帶兵兼賣土軍門召募多害民紛紛烏合本不馴青
皮入伍更狡猾劫奪閩勇官難申黃檳洋外報夷警一
礮燒營風力猛兵勇出鬪乃倒戈夷人乘閒得一逞吁
嗟乎官民維遯走秀州鄉兵露刃仍相讎郡事倉皇疆
未靖夷船又入江南境

哀吳淞

弔陳提軍也

壬寅五月夷船數十艘犯寶山兩江總督某提督陳

化成分兵防守賊船近海塘提督登塘督戰礮
毀夷船三又擊斷大夷船一桅斃夷數百賊少
卻既復連檣進縛大礮於桅顛下擊提督中礮
死寶山陷死事者守備韋印福等七人上卒八
十一人總督退駐崑山賊遂
長驅入上海且抵松江城下

噍噍宿將陳提軍殺賊膽大能包身手燃一礮擊夷艇

高桅粉碎同漂梗夷人舳舻仍進兵檣竿運礮風霆聲
下窺我軍發洞中土牛塌倒土堡平部下將士吞聲泣
提軍屹然海塘立我礮不燁身當糜官兵鳥散賊大集
賊鋒猖獗不可當斬關直入吳淞江吁嗟乎今日破滬
濱滬濱城早空明日戰三泖三泖烽火紅驛路羽書聽
傳箭督軍退駐崑山縣

哀滬濱 弔上海失守也

逆夷既破寶山入吳淞江至上海官民先期避

賊城空不守賊宴然入城據城隍廟點視夷衆
十三日分船由黃浦攻松江郡城壽春總兵尤
渤拒賊再拒再卻十五日賊退出吳淞口事定
始知賊至時惟上海典史楊慶恩投吳淞江死

擡槍千百來金陵如山海藥吳淞營四方勁旅復調集

區區嘆夷何足平豈知賊入吳淞口將士乘舟望風走
礮臺戢戢數十重一夕摧枯還拉朽夷人登岸城門開
徧尋官吏無人來一尉沈江識大義城亡與亡良可哀
貧民早罷東門市富民皆向蘇州徙蘇人亦擬徙他鄉
捆載連船水邊艤吁嗟乎中流千金得一壺寶帶橋畔
停須臾須臾又報夷船退鼓櫂仍還三泖湖

哀京口 弔鎮江陷賊也

六月十三日夷船入圖山門官兵遁副都統閉

城不敢出參贊提督防鎮江者亦退守新豐十
四之夕賊以大礮攻北門用皮梯登城民人相
挈逃竄而城鎖不得出賊開門縱之旋至駐防
旗營大肆屠戮都統匿避不知所終守土官無
一拒賊死事者賊據城兩月餘居民死者枕藉
婦女不辱嬰刃投繯入井死者尤不可勝計

江頭戰艦埋蘆根火輪飛入圖山門橫江鐵鎖虛語耳
賊未至京口時總督檄常州府屬入縣各購鐵索千條解鎮郡備用迨解到而城已破浪打金焦
無一二都統閉城兼下鑰不許城門出老弱須與賊破
北城來盡逐民人向南郭郭門大開縱夜行翻身乃至
蒙古營蒙古官兵睡方熟夢裏人頭血漉漉都統倉皇
走且伏勢面割須逃鬼錄吁嗟乎夷人據城兩月餘一
城將吏俱亡逋官廨作馬廐民舍作行廚有子遣其父
有婦逐其夫女使薦寢男樵蘇稍不遂意悉就屠餘者
創痍滿道途官兵盤詰無時無

哀金陵 弔省城居民及沿江村落被賊蹂躪也

夷入大江封瓜洲之渡焚儀徵之船疾驅二百
里抵觀音門時總督已回省城伊節相督將軍
相繼至通使議和夷人要挾百端忽戰忽和當
事受其顛倒忽詭言架砲鍾山之頂官兵胆落
悉從其所欲而後已八月和議成三節使宴夷
酋於靜海寺夷人亦整隊伍相送然夷船久泊
江干城外居民大受荼毒且縱三板船
遊奕江浦六合之境所至村落一空

夷船入江來先截瓜洲渡眞州城外生煙霧一炬鹽艘
不知數天塹飛過蛟龍驚揚帆直抵金陵城金陵城中
軍勢渙大府主和不主戰伊相國來操勝算欲以慈悲
彌宿怨夷情貪狠惟愛錢紅旗白旗持兩端忽然昇礮
鍾山頂俯瞰石城如瞰井闔城慟哭潛出城一半流亡
入魚艇秋風戒寒和議成 廟謨柔遠思休兵華夷抗

禮靜海寺儼然白犬丹雞盟吁嗟乎城中歌舞慶太平
城外盜賊仍縱橫夷人中流鼓掌去三月長江斷行旅

滄海

八首
錄四

又

滄海橫流孰釀成登壇叱咤詡知兵狂歎蜃市通私款
擅棄珠厓順敵情罪大難寬鐘室繫焰高猶有死灰萌
小臣一語回天鑒樂府新翻折檻行

綠車朱鉞大牙旗十郡良家候誓師棄甲曹江高枕臥
頓兵吳地執冰嬉藏身狗竄軍中客續尾貂冠帳下兒
目送夷船入東海將軍還欲事羈縻

阿芙蓉土壓潮來此是昆明幾劫灰奇貨公然違令甲

漏卮無計惜民財。俄看夷館連雲起。又報皮船狎浪回。
試問燉煌賢節使。賜環何日下輪臺。

百年前事說維黎

嘆咭喇初名英雞黎雍正年間始至粵見澳門紀畧叢爾遐荒

隸泰西大肆陰謀交閩帥潛埋蠱毒遍蠻谿臺陽定讞

收烽燧江介休兵厭鼓鼙帷幄若籌清海計封關合用

一丸泥

又摘句祇愁贊普無和議那顧將軍有誘書將吏潛蹤魚混服夷酋入市鶴乘軒

鼓吹詞

按此詠辛丑西夷事○十二首錄四

何 棻

不用將軍霹靂弓旄頭未展已平戎但憑割地爲長策
猶欲貪天冒戰功南海無珠仍苦索北門有管竟潛通
振振麟趾何窮意盡在吁嗟一歎中

狗苟蠅營總莫論誰令海澨縱鯨吞援師退舍神弧偃
和議盈廷鬼國尊萬死難寬三尺法再生仍負九重
恩天心自是無私愛遣戍何當出玉門

談笑從容卻敵兵允文真不愧書生百蠻通市原非計
萬里投荒獨有名黑白更誰持大局東南從此壞長城
惜公不合開邊釁直道長留愛歎聲

妖氛初起粵西東治癰無能更養癰風鶴已聞逃將帥
雲龍何自起英雄旌旂枉見從天下鼓角翻驚出地中
智勇由來歸氣數可憐劫火徹年紅

夏尙志甯郡感辛丑事四律
伍承組感憤詩太息一章

並見兵事門

夷場行

譚獻

人間何地無滄桑平填黃浦成夷場
高高下下噓蜃氣十十五五羅蠡房
青紅黃綠辨旂色規制略似棊枰方
門前輪鐵車碾碾人來闢戶搖銀鐺
倒映窗牖頗黎光左出右入迷中央
兜僞竊糾言語厖笑指奇器紛在旁
自鳴鐘表矜工良水舂機上織成匹
磁引箎中火炁揚銀鏤尺表測寒暑
電景萬里通陰陽我非波斯胡目眙
安能詳中原貴遠物一握兼金償矧乃
阿夫容其毒能腐腸世等酸鹹嗜直以
饗殮當烏虜利藪召兵甲烽燹廿載盈
海邦不誅義律縱虎兇嚙嚙見章奏用此三文出尤

猖狂九州禹服萬物備何煩重譯通梯航廣州南畔印
吾鐵閉關不早師陶璜 聖人先見在故府煙塵海上
天蒼涼惶惑萬怪有銷歆大風去垢朝 軒皇
懷遠

蠻賈行

朱樟

碧雞市中遇蠻賈衣裳不同毛髮古白罽寶衫散素霞
赤腳花縵踏寒雨欲以泉貨誇荒夷骨董囊盛難口數
囊中磊磊皆珍奇寶光未定森陸離石榴子堆紅韎鞞
舍利珠串青玻瓈酒船殷濃凍瑪瑙玉玦肉好割羊脂
冰文碎疊象牙簞女字短圻珊瑚枝其餘藥物頗拉雜

牛黃阿魏分錙銖豈知中原所寶在菽粟不貴異物爭
刀錐臨邛富人數程卓家僮八百稱多貲只今射利專
鹽鐵鑿井穿山官不知貧兒衣食於奔走剖腹藏寶甯
非癡蠻賈傴僂向余說尙憶西爐全盛日就中多寶是
烏思能譯華言呼上客自言販寶入西川幾輩白人添
白髮

白人卽中國所稱
善人見蠻司志

但見春草數回青不記來時年

與月忽聞間諜有訛言平安火斷軍書迫西爐何事乃
興師五月渡瀘椒瘴赤金錯銀刀下砦樓珠琲貝錦交
狼藉一將功高萬鬼啼劒頭炊米焚枯骼我聞此語心
怛怛一身何幸遭太平旄星無光黑眚伏精甲淨洗天

河清蜀都四隣雜番部柔遠要在輸其誠蠻賈有言亦
無罪愆勿開邊輕用兵

大喇嘛寺歌

馬維翰

我無摩尼照濁水偶參上乘心清涼惠師羅什亦已化
今之行腳惟衣糧西爐自昔西番地舊無板屋皆碣房
不生草樹山壁立茫茫沙磧無稻梁恭惟 先皇赫威
命版圖始入開封疆至今萬里烏斯藏亦來重譯瞻冠
裳奈仍夙昔錮不解俱言此類生空桑空諸所有有彼
法如何佛寺猶雕梁繚以垣牆一百丈藝以文石周四
方橫窗側闥面面闢旂竿略綽當門張其上層樓緱金

國朝詩錄

卷十三

懷遠

三

碧下畫神鬼。東西廂寺僧。少長凡幾衆。不語前立紛。成
行偏袒右。肩事膜拜雙。瞳轉仄。黝有光。宰生割剝了。不
怖呼號其側。神揚揚。六時梵唄若功課。渴飲酪乳雞牛
羊。宵分聚徒大合樂。互吹骨角聲低昂。卽論釋典尙清
淨。此甯有意登慈航。或云流傳術頗異。播弄造化如尋
常。安禪毒龍致時雨。誦咒青女停飛霜。此豈實具定慧
力。竟能詭術回穹蒼。咄爾世人迷不悟。福田利益縈中
腸。乾坤高厚妙運用。豈待尺寸量短長。聖人深意在
柔遠。順育萬類通要荒。因勢利導。彌蒙昧。欲使寒谷回
春陽。昭昭大道揭日月異教。豈足紊紀綱。矯首夷風倘

一變飲食男女真天堂

沈歸愚曰詩旨謂遠方畏服其教聖朝容納之用以柔順遠

人非尊信異說也未歸到聖人之教如經天日月儒者正論曠若發蒙

從觀察使者循行夷寨編列戶版紀事

吳存楷

在昔西南夷萬里阻絕徼犛牛山穹窿金沙江繚繞氏
羌區以類叩闕實其隩散或蠻觸攻聚則魍魎嘯唐蒙
驢武備馬卿論文誥首屈仍羈縻尾大復攻剽斧畫圖
苟完甌缺終見誚我朝受命初蕃服爭自効板楯聯
新封鉤町除舊號笮馬歸卑樞蒟醬供瓦銚乃獻賸獻
琛亦舞羽舞翻形方瘠土曠驚利客民召燕忘巢幕危

蟻切慕羶好襁負攜妻孥擔簦羅曰竈占地闢畛畦鑿
坏啟堂奧重譯語漸通互市劑可約阡陌多華離汙萊
半侵盜強怒有力爭衆闕無理鬧短箭青竹弓長刀赤
皮鞘列陣驅千人具獄喧兩造息壤背盟誓邊覺懼開
導是宜井疆畫毋使客籍冒撫夷責楨臣編版息羣譟
紛紛亥市集一一丁男報賣價規奇零租稅酌豐耗算
非元封增民異太原料霧幕開前庭椎髻迎左肅威之
蒲鞭懸來者乘韋犒義警邊氓愚令戢土官暴夏畦敢
憚勞春雨咸沐膏鞋材艱覓食儉府容寄傲志慚定遠
壯年遜終軍少袴褶裁氊裘行縢縛錦初猛鼓渡瀘楫

催發踰嶺橋晨起霜威鈇宵征月魄耀砭肌入風洞沒

脛穿雪窖但看排穹廬聊與息旌旄寸田履畝分尺籍

翦燈校直儼窮要荒詎止快遊眺羃女及獠奴桶裙而

花帽銅鑲試寬窄毛褐慙寒燠生熟支久殊

番夷有生熟二種

番在外通漢語黑白種惟肖

夷人之貴者曰黑骨頭賤者曰白骨頭

猿扳礪房登

牛飲蘆酒醕鐵褐野有文

夷人以毛織布有方野文名曰鐵褐

糙糙粃夷人所食以雜粃爲之

跣足踏山走裂齒向人笑但聞鉤輶

聲不鑿混沌竅兼旬伴我慣數語爲爾告聖王今御

宇遐陬咸服教德裕鎮西蜀章臯奠南詔馴皆似犬羊

劣弗爲虎豹心宜凜畏懷力可任徵調網獲罷秋獮刀

耕急冬燒歌樹梨一曲備柳營七校耳目留睢盱孫子
安豚拖庶幾安土著長得戴天燾作詩宣皇風健
筆特排冝

會匪

白蓮賊疾妖邪也

徐鏐慶

天上佛地下佛

白蓮教傳經咒有此二語

十萬妖人身雪白白衣白

帶白幘幘白蓮老妖舊姓齊妖腰斬斷遺妖妻其妻本

是倡家女白蓮庵中夜深語

女寇齊林之妻稱齊二富婦林先事伏法妻曾爲尼

後適姚之一朝走馬嫁與姚芙蓉寶劍銀鞍驕姚髯長

富爲逆

妻鬢短

姚逆稱姚髯

雪點花裙人血滿朝朝念佛暮殺人

女不男佛不管。

白蓮賊

喻文鏊

燒香始何代。訛言扇羣愚。旣殲孽。仍滋糾。結起萑苻。方
今全盛世。時和物昭蘇。奈何戎伏莽。白晝鵩鵩呼。作橫
在鄉里。那敢犯牙須。倉卒弄潢池。荼毒嗟無辜。大府憂
時切。揚刃彰天誅。鯨鯢豈忍築。稂莠所必鋤。防川竟如
何。嗚呼愼厥初。昔者文成公。平盜南贛隅。編戶嚴保甲。
於法不爲疏。四民有常業。焉能容匪徒。治人行治法。能
以實心無。

閩中花會

洪占銓

天罡卅六字一字一廬語一錢幸億中可獲三十五魚

潛貪香餌遂使愚民蠱走風徧鄉村

傳信者謂之走風

問卜勤

婦女關通到吏胥訪捉迂官府鬨然一笑散弋去鷗復
聚霎時構草房漫山鹿麋麋我竊謂不然是山必有主
擒賊先擒王除俚乃除虎首剔淵藪空安身無處所咄
嗟禁情游夫征制已古但得吏廉能防微非小補

哀游民

戒黨也

粵中吟之三

戴

熙

豐衣足食百無爲結盟拜會相追隨古今豪傑惟有我
安識黃巾與赤眉父子不相能兄弟不相友惟我盟會
不可負一朝官捕走四方東有肥羊西有酒烏庖不言

盟不言會豈有良民官肯害

感事

嘉慶甲戌正月作

高銓

王師奮武衛橫戈披荆榛蠹茲螻蟻血化作草間燐嗟
哉大江北邪教久傳薪在明白蓮黨在元爲紅巾愚民
易蠱惑趨之如飲醇長吏非聾瞶炊竈莫能堙涓涓者
不絕江河安可馴坐使肆螳臂九土颺飛塵勿謂事烏
有高枕慶良辰昔賢防禍亂未雨早經綸

雜詩

王文瑋

燒香奉蓮花謂可免厄難展轉分師徒其中愚黠半山
陽周令君治盜有成算盜多自拔歸蒲伏愧流汗所貴

在勤能豈真無忌憚

擒匪

擒子

蔣湘南

淮西叛唐代教民尙勇鬪習染一千載至今沿其陋兒

童矜帶刀長大詡弓鼓架炮肩機鎗蜂蟻紛相就夥涉

數百人亡命皆輻輳響者爲頭目

能排難解紛者衆見奉爲首呼曰響者

難必拯救睚眦無不報殺人當白晝其名曰擒子紅鬚

乃詛咒

良民詈之曰紅鬚子

擒子有強弱衆寡皆盜寇兩擒或不

合一戰禍已構其先下戰書來使必豐餉期前各亮兵

門前勿馳驟

凡擒子相鬪必先下戰書定期期前三日此擒子向彼擒子門前躍武次日彼擒子

向此捻子門前亦然至期擇廣場對壘排獵圍戚隣作

各不相見謂之亮兵調人長跪口爲授說和者具衣冠至場中長跪和則兩相

掛不和兩相嗾但聽鎗鳴鳥以鳴鳥鎗爲相罵遂如圈逸獸傷

鎗者折股中刃者絕脰黠者搶鎗礮飛跳捷於猱無賴少年

有專習搶鎗礮者各捻子皆出重賞賞之戰勝奏凱歸戰敗仍守候匿尸不

報官養銳仇必復汝光隣鳳頰習慣真逐臭新例罪縱

加新例南汝光有十人頑梗終如舊或云選健吏嚴酷

績斯奏乳虎與蒼鷹轉移庶幾驟我生于此邦頗知其

所狂地本瘠而貧人亦蠢不秀博進爲生涯私鹽轉販

售官亦姑容之民窮且寬宥固始與息縣疆界連錯繡

固境有水利。安靜襲仁壽。息境溝渠湮。饑寒遑恤。後恆
產自來。無恆心。何處逗。請用趙廣漢。鉤距先。賽竇。再用
召信臣。農桑繁其畜。但教地澤腴。勿慮民氣瘠。患盜師
風草。聖言理豈謬。昔有陳茂才。見之我方幼。僂僂行市
中。褰衣而博袖。捻子聞其來。藏刀不使覲。或值爭奪時。
一呵遂各走。呼之曰先生。相戒勿招詣。光緒交界之區
曰三河間爲捻
子最多處有霍邱秀才陳某年七十餘衆捻子
皆敬而畏之曰彼讀書人也余幼時及見之試思衆
豺狼何畏一學究。天良本不死。亟望使民富。

棚民客

麻棚謠

袁州民不耕麻率賃地與閩楚流人架棚
聚族立魁長陵轅士著曰麻棚吏不能禁

施閭章

山陬鬱鬱多白苧問誰種者閭與楚伐木作棚禦風雨
緣岡蔽谷成儔伍剝麻如山招估客一金坐致十石黍
此隰爾隰原爾原主人不種甘宴處客子聚族恣憑陵
主人膽落不敢語嗟彼遠人來樂土此邦之人爲誰苦
黑丁行龍郡僻在西塞石田多不墾豪民各招新
戶名曰黑丁與官丁別不稅不糧官亦不
得而治之嘻有民如此不爲鳩聚亦長
吏之羞也作黑丁行悲賦役之未均焉

朱樟

太常亡角悲民流

崇禎間五音亡
角聲知流賊起

巴西十室九室愁萬

物吐氣在茲日大朝誰握司農籌按冊官丁什無二林

林黑丁億萬計黑丁在田不在官驅入豪家射其利只
今惟有單羸人家無擔石贍一身苗疏地瘠不得力縣
符羽促催租頻哮虎出林聲可畏一隸喧豕百家避里
胥橫索熱衣錢排管私償草輟費樹皮不充口尺布難
縫衣不惜一身瘦願喂官馬肥此時方知黑丁樂日午
鼾睡局荆扉黑丁低眉對人說悉民一例何區別巴西
土滿有閒田稗花徧野須牛力南陌西疇到處荒豪民
負耒皆生客主人需索緩於官秋分糴極春償麥比隣
轉徙無一存我則劬勞有安邑竄身傭保復何羞私喜
姓名脫縣籍吾聞招攜之政責有司哀鴻翔集留子遺

赤頭文吏主蟲孽。薶本指擊強宗誰。桃儼李代遍飛洒。
無名之稅科毫釐。征苗納稅迫於火。繪圖斂手徒鞭笞。
官丁有苦官不知。黑丁之樂姑言之。使君不聞一路哭。
下車請數逃租屋。

棚民謠

吳錫麒

古人受百畝死徙無出鄉。食德服先疇。愛土心自臧。
棚民獨何爲。遠適天一方。短衣不掩胫。泥塗走徬徨。
亂髮垂兩肩。蓬葆吹飛揚。侏離多閩產。荒忽雜楚僇。
冰霜陶穴瑾。風雨篋席擋。盤據山一角。苦瘠不苦荒。
東岡蒔小麥。西谷種雜糧。所幸賦稅逃。所恃膂力剛。
其居如鹿豕。

其人卽牛羊。筋骨耐辛苦。性情實強梁。頗聞黔荆交。來往羈苗疆。占籍號客戶。隨身齎空囊。淫淫毒霧間。慘慘深箐傍。顯託結納誠。潛探肺腑藏。親密似兄弟。叛與修鬼佞。作姦黨。胥吏挾詐欺。公堂曉曉訟。牘與巧言聽。如簧官府持。三尺顛倒朱墨場。政未除害馬風。乃行貪狼。從來經濟術。寬賴以猛匡。治苗弗去莠。厥疾藏膏肓。小則憂鬪狠。大且患寇攘。屬爲民父母。豈不樂太康焦頭。悔已晚。曲突謀母忘。

周凱春陵行見輿地門

麥客行

客十九籍甘肅麥將熟結隊而至肩一襆手一鐮傭爲人刈麥自同州而西安而鳳

翔漢中遂取道階成而歸歲既久至者益衆官吏懼有意外之擾頗邏察之不能禁也秦人呼爲麥客云

吳振械

連畦被隴麥欲黃麥客麥客來河湟從朝割麥逮暝黑無田翻比田夫忙一村復一村一縣復一縣百里千里兩腳徧姓名鄉貫誰細辨但喜今來傭直賤傭直賤奈何人日受錢百村蔬甚肥村酒白持以供客客意適兒能腰鑣婦亦健自有筋力胡愛惜未必家家多收十斛麥何爲歲歲將錢輸麥客

棚民行

張鴻卓

層巒複嶂斷復續中有曠壤荆榛伏棚民紛集犁爲田

半栽蔗芋半蘆菰歷年深遠日漸多荒區佔作安樂窩
林深箐密事多秘燃犀莫照可奈何我思棚民均是中
原民落葉何不歸故根里胥火急逐不得鵲巢鳩據呼
其羣長吏張皇無策御山民地讓棚民住吁嗟乎山民
謀生豈無處江上扁舟販鹽去

左道

簪包船紀事

王應奎

有船銳其首以簪包裹之名爲簪包船聚泊疑茅茨浮
家無定所忽溯忽江湄居貨挾土產擅技兼卜醫中有
無良者行乞同殘黎詎料豺狼心所志竊童兒神咒與

餅餌給兒兒輒迷牽引至船中毒手恣所爲或爲瞞其
目或爲擺其肢或屈曲其體如籐條戚施形骸幾變盡
父母居然疑清晨負之出索錢號九達夕仍負以入傾
倒囊中資數倘有不充攢刺加鞭笞苟延此殘喘性命
危如絲有時更肆惡視彼軀幹肥入之人鮮饔飽噉若
舖糜吸兒腦與髓嚼兒肝與脾從此筋骨強便可耐刀
錐更聞藏秘器賣以療疔羸一七爲神膏索值恒不訾
淫人所長生食之甘如飴又聞湖海濱茫洋有神祠神
曰抽筋姆此輩所皈依重午暨中秋廟門拳靈旗羣船
競祭賽以兒爲牲犧祭罷飲福酒狼藉幣與觔年來迭

敗露官長胥周知勿問所從來立斃陳其屍謂足抵兒
命此外無窮治不究其本根徒然翦旁枝官長法深刻
何獨偏仁慈其毒仍滋蔓其故難尋窺誰爲采風者聽
我歌此詩按蘇州府志亦載此詩

跛癰行

邑中兒年十一爲姦人誘去縛桎之踰年成跛癰挈至近村索錢於市義士梁某廉

得其情繫鳴縣宰鄉人又上懇大吏始盡殲其黨作跛癰行

陳廣遜

邑中有行乞挈兒隨所之轉徙渾不定舟居無茅茨動
思飽食壑來泊前溪湄指兒爲已出稱疾不能醫號呼
徹蒼旻翼或哀烝黎旁觀問且難夙本誰家兒瞠視若
有省轉瞬仍昏迷飲恨江漢深欲訴無能爲箱挈其唇

口拘攣其體肢不必豪俠流見此皆好施居人不違詰
行客不致疑奇貨真可居厚利收中達此輩所由來殘
酷其天資百計結羣穉梟萃加箠笞踰時成廢人續命
無一絲同爲父母身瘠人求自肥朝灌以斗醋夕餉以
粥糜一身無完膚慘毒傷肝脾大則爲鼎鑊小則爲鍼
錐備歷諸楚酸不死卽疲羸烈士抱義憤卒見生嗔訾
霽顏導兒言噉以酥與飴兒訝夢初覺心圖歸祖祠盡
言告烈士涕泣思瞻依烈士髮上指振袂若揚旗縛凶
赴訟庭命同待烹犧胡爲執法者不肯暴其醜怨聲已
載道長官甯不知未洩羣兒冤痛哉泉下屍所賴上府

明冰鑑能窮治除凶旣務盡拔根仍芟枝從此部落安
保赤徵仁慈爲惡無倖免天道儘堪窺卽事足垂戒用
賦跛癰詩

民變

毗入城行

趙執信

村毗終歲不入城入城怕逢縣令行行逢縣令猶自可
莫見當衙據案坐但聞坐處已驚魂何事喧轟來向村
銀鐺杻械從青蓋狼顧狐嘯怖殺人鞭笞撈掠慘不止
老幼家家血相視官私計盡生路無不如卻就城中死
一呼萬應齊揮拳胥隸奔散如飛煙可憐縣令竄何處

眼望高城不敢前。城中大官臨廣堂。頗知縣令出賑荒。
門外訖聲忽鼎沸。急傳溫語無張皇。城中酒濃餽飪好。
人人給錢買醉飽。醉飽爭趨縣令衙。撤扉毀閣如風掃。
縣令深宵匍匐歸。奴顏囚首銷凶威。詰朝忙去城中定。
大官咨嗟顧縣令。

沈德潛哀愚民篇見米穀門

記楚北奸民作亂會剿事

趙嘉程

楚民作妖慝。挾黨擾宜荆。發我秦豫卒。分以兩粵兵。堂
堂大帥旗制勝。有先聲。小醜敢跳梁。斯亂不足平。方今
全盛代。乃欲鷗梟鳴。煽脅數萬衆。縣邑爲屢傾。吁嗟良

家子不自力農耕邪說聽未終禍患身已嬰一逞蚩蚩
愚遂傷無數生首惡當萬死萬死猶爲輕顧爾良善民
無庸心自驚一旦劫消解悠然豁宿醒

弭亂

禦變詩

康熙二十七年六月余奉命撫江西舟次蕪湖聞楚北兵譁西江震恐急鼓棹入

南昌撫慰之莅事未十日突有奸徒李美玉袁大相勾結楚逆以酉字帖授其黨將以詰朝謀不軌偵知奸謀乘夜計擒二元惡

旦卽懸首藁街餘黨悉散亂遂平

宋 燁

聖皇二十有七載臣等奉命撫洪州爰從茂苑歷建

業溯流直泛長江卅時丁盛暑南風發江干晨夕阻石
尤忽聞鄒濬兵脫籍倡亂一旦據上游二十餘城倏陷

賊烽傳浦激驚眠鷗殘黎絡繹蔽江下船如蟻蝨排荒
洲我禱馬當得風助小孤彭郎無停留蒞事人心稍安
戢詰戎籌餉綏四陬孰知十日突生變羶罷遠結封狼
謀實惟六月之晦日螳臂擬將大邦讎須臾風鶴徧城
關婦女奔竄聲咿嘑厥黨無算暗勾致洶洶之勢未易
收夜以計擒二巨憝繫頸不異當檻猴詰朝秉鉞正

國典碧油幢下懸其頭俄頃奸徒鳥獸散十三郡始安
鋤獲捷書一紙報天子宵旰庶寬南顧憂故人千秋

推作者濡筆紀事昌黎儔新建英猷詎敢望銅梁取況
增之差或以張肖甫定浙亂相况沃民勿緩正有事藥石語佩西園

劉

杭城鑰

鄭世元

杭州城門十日鑰守門將卒冒而甲十人執兵十人稽
一人來稽十人隨城中不知城外事城外訛言可三至
或云某日賊犯城或云昨夜獄有兵長官大吏急如狗
騎尉都司滿街走要知此輩乃盜耳不過市井無賴子
一才有司足以了何至張皇急如此憶昔三孽憂我
君不啻大風掃浮雲治亂一如治亂絲廟堂聖武爾
豈知

建甯紀事

汪沆

乾隆十三載王正十五日建甯七道橋驚傳羣盜發厥
名老官齋裏首判布帛五堂五渠魁附者密如蝨女巫
詭降神謂當百六厄揭竿走郡城驟比狂飈疾是日府
縣官張燈作元夕惜哉攔子軍三告耳如室桓桓劉游
擊投履簡師出一戰戈倒奔再戰免罹畢俘獲滿圉
么膺伏斧鑕誰歟司民社養癰自貽戚除惡古貴盡順
昌事可休殷鑒慎毋忘不見鄧茂七

題譚桂嶠明府平傀儡山賊記卷後

臺灣傀儡山賊倡黃教特

女番目冷冷勢屢欲爲亂會公令鳳臺威德並
行潛伏不敢動公任滿北上賊遂結冷冷侵擾
村寨當事檄公中道回溫諭冷冷使殺賊自效
冷冷遂誘賊入域之以獻傀儡山平事備載記

內公嗣君淪同官謫
中持示余因題卷後

蕭霖

德厚賊亦民。德涼民亦賊。跼蹐非不仁。撫馭乖厥職。懿哉譚夫子。秉心實淵塞。雖慈不傷柔。雖清不近刻。風行化庶頑。見早消羣慝。一朝離襁褓。萬夫弄荆棘。刀光照海明。篝火熏山黑。僉曰已亂難。非公孰爲力。雨檄馳召來。免冠令相識。諸番遮馬拜。帖耳安反側。恩深浹巾幘。計定驅鬼蜮。渠魁已就駢。羣社皆屏息。歡聲徧八閩。海天現晴色。公去賊勢騰。公來賊烽熄。去來只一身。治亂關一國。台爾守土者。爲政在有德。

聽父老談商州丞事

名奕銓會稽人
事在康熙時

蕭掄

宦途功罪不足憑桐鄉戶祝情偏真當時靖亂建奇績
至今人說商州丞丞嘗一攝州刺史恰直州中變方起
奸民草草謀揭竿不謂中有世家子公然作官稱本兵
軍主幢主各有名市中縫人素豪健喚作大將推主盟
云爲勝朝繼絕統卜者王郎堪惑衆又云聲援在海中
道覆盧循兵各擁老僧圓淨衆所宗作金有術誇神通
往來民間潛煽誘遠至滇蜀蠻陬中一朝虺蛇思逞毒
彼大將者私結束陰招外寇來翻城密約羣凶肆屠戮
丞方晏然如太平聞賊尅期四五更密令鼓吏緩其節
漏盡四下天微明賊因失期知事泄巨礮不鳴援亦絕

渠魁橫刀一室中吏民莫敢先排闥丞來縛取如孤豚
盡燒名籍眞寬仁黨與牽連置不問止收四十有七人
世家子亦隨入獄法吏議之罪當族其族顯者中令君
乞恩 黼座猶轂觫幸被 溫旨赦不誅卻怨丞實披
根株陰嗾大吏劾奏丞丞不受賞反削除猶坐餘累歸
不得貧向州中乞衣食縉紳避嫌絕餽遺獨有窮民能
報德我聞此語心煩冤竊怪中令何其偏若使紛紛果
起事君家門戶安能全幸丞定亂保鄉里戮一凶豎族
完矣謂宜子孫世感恩相報如何遺一矢燒城赤舌燄
莫當功狀誰敢言陳湯後來志乘亦失載獨有父老言

之詳君不見蒼蠅白壁易滴亂今古何嘗有定案京兆尹失丞相歡當時已誅趙廣漢

附錄書蘇州薛覲堂太守

煥

治奸民事

粵東奸究聚於吳會為劫害民

前守令弗能治也薛君甫下車即於八月十五夜羣奸酣飲之後率役會營出郭禽數百人天明返署請大吏臨郡堂會鞠得實者即斬於郡庭吳人快之

張應昌

亂國宜重典鋤莠斯安良火烈勝水懦春露資秋霜酷吏不可學亂民亦宜防吳漢止赦令鄭產端刑章東海尹翁歸相州梁彥光救寬利用猛燕翼能虎張姑息與選懷壞法貽禍殃堪歎輿尸者失律凶否臧田禽弗克執涓流成汪洋暴弁士驕悍巾幗將懦庇縱弛在一日

毒痛流四方咄爾海濱人鼓煽來潮陽狙獷性鯨鰐貪

狠聲豺狼逃秦晉國盜樹黨南方強白挺肆剽略黑獺

恣猖狂

粵匪爲粵民所逐而來分黨好鬪其剽掠爲暴則同多服黑衣繫朱帶

偉哉薛太

守英風振吳閭下車靖反側默坐安蕭牆佳節罷衙宴

中宵呼戎行似雪夕李愬似元夜武襄酒酣鬧鵝鴨繩

縛驅犬羊平明請大吏會鞠臨郡堂一一服其辜安用

羈桁楊速殺毋稽誅五步血濺裳橫尸積山岳懸首盈

中唐民悅大憝除懼呼如雷礮百人斧鑕伏萬家社席

康安民以智勇仁術原無傷靖國以果毅機事能獨當

五字兼仁嚴

岳忠武五字兵法智仁信勇嚴

兩端濟柔剛將帥盡如

是奚患軍不揚

軍器補

日本刀歌

梁佩蘭

市中寶刀五尺許市中賈人向予語紅毛鬼子來大洋
此刀得自日本王王使紅毛預齋戒三日授刀向刀拜
龍形虎視生氣驕抽出天上星搖搖黃蛇之珠嵌刀首
百寶刀環未曾有有時黑夜白照人殺人血漬紫繡新
陰晴不定刀氣色風雷閃怪吼牆壁相傳國王初鑄時
金生火尅合日期鑄成魑魅魍魎伏通國髑髏作人哭
人頭落地飛紙輕水光在水鋪欲平國王恃刀好戰伐

把刀一指震一國紅毛得刀來廣州大船經過海若愁
攜出市中人不知價取千金售不得我聞此語空歎吁
兵者凶器胡爲乎中國之寶不在刀請以此刀歸紅毛

苗刀歌

梁玉繩

白晝空中飛紫電寒芒閃閃雙睛眩何物驚人乃如是
苗刀出手新經見虎皮生剝縫作靶枯藤紉結當懸線
淬厲無須鵬鵠膏一葉青蘆光屢變陰晴不定若有神
不磨不鏽常如新傳觀已令毛髮立况敢橫腰插袴褶
見說苗民頑且驕不能殺人非人豪生兒競以鐵爲賀
鑄得寶刀如孟勞一年一度積精鍊教兒長大身邊操

橫揮直斫口不折朱砂模糊沁人血吁嗟苗性胡不馴
刀用殺人還殺身 皇王有道化無外勸爾擲刀爲良
民。嗚呼勸爾擲刀爲良民。

前題

梁履繩

苗人生兒饋精鐵鐵多鐵少厚薄別深埋土中積鏽黃
一歲一鍊成銛鋼苗童行年十六七鍊數已與齒相匹
安排爐鞴鑄寶刀牛革爲室筋爲條寒芒閃閃白于練
拔鞘傳觀射人面刀首鏤錯裝金鏤生漆塗柄纏麻菅
屈伸如意光四照忽向手中作長嘯積薪數束尺許高
揮時齊斷同吹毛鳴聲錚錚示餘勇鋒銚不頓價增重

苗人愛刀不去身腰間屢躍如有神睚眦之怨必報復
白日相讎誓盡戮人血漬處紫繡生晝夜不定刀光明
吁嗟苗人毋嗜殺兵者凶器慎勿跋勸爾賣刀買耕牛
耕徧荒山爲田疇

招勇將軍寶刀歌

朱彭

秋河閃閃明星高當天拔鞘天爲搖鯨鯢可斷鐵可截
瞥見百鍊將軍刀將軍起家備宿衛八尺身長氣精銳
引滿時彎玉靶弓騰空獨縱金絲轡龍鱗袋貯呂虔刀
獨立昂藏一戎帥憶昔旌麾駐九溪跳梁犵狁喧鼓鼙
青布纏髻身裹皮短刀林立利若崖懸崖絕壁紛攀躋

綿互山谷聯東西狼烟冲天鳥不集將軍提刀竟深入
一片刀光電影飛鹿駭猿奔盡驚逸五寨居然一日平
報捷軍門抑何疾南山大箐賊尙屯將軍間道披荆榛
墮阮傷足不暇捫直擣巢穴清餘氛生擒俘虜幾千輩
苗欲祈生向刀拜將軍殺叛不殺降那忍株連同拔薤
後車捆載獲芻糧勁卒搜羅陳器械笳鼓喧闐奏凱還
鐃歌作罷眞雄快餘苗歸洞荷生成謀建生祠奠醪醢
歌呼跳月醉蘆酒五十餘年慶太平近聞騷動辰州旁
出洞剽掠還遠颺嗚呼安得再生將軍鎮苗疆寶刀寶
牛歌樂康

懷遠補

題土蕃款塞圖

爲惺亭制府題

吳省欽

西北曰塞蕃部稠四衛拉特梓畫楸土爾扈特最荒賈
未奉冠帶祠春秋悉率醜類避崑崙牧場水草行相求
我皇拓地越葱嶺準回種類頒共球萬亭障外絕遺
已渡額濟勒輕若泅生身熟身月二萬革履辮髮詞咿
幽畏威懷惠攸關吏會直秋令循軀腰紫絲韁轡迺
天寵親親殺虎神鎗指宗乘廟前禮銅殿旋騎特許
經邊郵佩印編旗校丁衆頒朔讀法安田疇於濶布多
聚屯廠黃羊紫鼠馳馬牛我臣悉臣主悉主蒙古族盡

歸覆幬公時麾節鎮戎索頓置屏屨儲芻餼遠攜小隊
問疾苦要使絕域知懷柔諸蕃焮然遶牙帳進止鞠脰
龜排頭爾曾祖某爾祖某爾昆弟某嘗招尤某山某水
某夷險館埃食宿如經由驚呼駭汗手加額公神人也
誠斯投各以其職歲來覲陪臣義敢忘干揆是年鄙人
使西粵忝視典冊封其酋鼎鐘爲述祖德遠綸綍敢貽
王言羞封沙拉扣肯郡王舍楞貝子冊文皆省欽擬撰我公圖此紀行役丹青
王會交弭彪錦江展對愜春色懷古坐歎籌邊樓滴博
蓬婆彈丸耳宵旰幾載勤咨諏王師掃巢事俄頃
拜釐圭鬯光揚休

會匪補

除域行 紀百制使除邪教也 吳錫麒

紫金山上營門開隆隆鼙鼓聲如雷鳳凰麒麟有時出
怪民奇服何來哉林深路隔行人絕狐鬼跳踉爭窟穴
迷離身是逆毛鷁造作神姦那堪說畢逋鳴鳴星出高
使者手操蒼水絲飛光搖空快刀斫永夜但聽長風號
驅除信荷神靈意正直要爲天下計人病例入五行書
殷鑒宜懲妖異志英姿颯爽淩清秋餘孽盪入空江流
治絲有道亂者斬日寒老魅啼啾啾世間所仗倚天手
橫海長鯨亦安有一曲聽歌海上謠肘上甯辭印如斗

公先以平
海奏績

翁歸久擅文武名伏波又報側貳平靈談鬼

笑爾何物竈上豈足勞經營驂騑開道行千里金支翠
蕤光尺咫眼看竊竊靖堯年一夕功成慰天子

弭亂補

題王遂樓太守

朝恩

田家集殲渠圖

丁繁培

沂州刺史瑯琊王起家州判始太行宦途卅載多樹立
豐功首數誅白羊白羊渠魁張建木野心狼子嗜屠戮
生平殺人難悉數到處郊原聞鬼哭厥壻馬朝棟狡焉
一巨寇聚黨田家集

鉅野縣境

與張寶左右從來先發能制

人刺史用兵捷若神下令捕賊掃賊穴縛賊不異縛豕
豚兩姦授首遺孽竄四面網張足妙算擒賊之黨併賊
妻忍令賊兵重兆亂長垣曹滑俱被屠定陶赤子爲賊
俘鉅野一城屹不動保全端賴王大夫封章入奏 天
顏喜詔書特下誇不已拔自縣令官治中三載高遷至
刺史蒼生額手呼爺爺微公民盡落虎牙寫公入畫誌
公德公恩不下恒河沙我撫丹青三歎息斯人已王遮
須國丈夫功立身可仆公有大名垂宇宙

島夷補

感事

朱琦

鴉菸入中國爾來百餘歲粵人競啖吸流毒被遠邇通
參軫民害讜言進封匭吏議爲條目罪以大辟擬粵東
地瀕海番商萃奸宄天使布威德陳兵肅幢檠宣言我
大邦此物永禁止獻者給茶幣一炬付烈燬積蠹快頓
革狡謀竟潛啟飛帆擾閩越百口騰謗毀致豐誠有由
功罪要足抵直督時入覲便喋伺微指節鉞遽更代蠻
疆重責委豈料堅主和無復識國體擅割香港地要
盟受欺給況聞浙以東凶烽陷定海焚掠爲一空腥臊

未前洗虎鹿復逼近鎖鑰失堅壘總戎關天培隻身捍
賊死開門盜誰揖一誤那可悔五管嗟繹騷征調無暇
晷至尊勞旰食軍書塵黼辰機幄時容對震懾但
諾唯天討終必伸整旅奮尺筆冠軍伊何人驅幹頗傑
偉驍銳五千騎索倫十萬矢庶往麾天戈一舉盪溟渤
義律何能爲勾結餌羣匪所恃惟巨礮以外無長技常
侯昔決戰摧鋒氣披靡餘艘坐飢困如魚游釜底阻隘
斷其歸彼虜無完理惜哉失此機奔突縱犬豕大帥殊
畏懦高牙擁欽義兵驕或食人傳聞何詭詭哀哀老尙
書遺奏殊嘯唏上言海氛惡下言病積痞鍼砭輒乖謬

鑿灰入肌髓艱難正須才孤憤亦徒爾猶憶二月初番
舶據沙紫黑夜突憑城舉火縱葭葦樓堞幸少完室廬
剩荆杞附郭尤慘淒蹂躪其餘幾可憐寶玉鄉瓦礫積
碗礫回思承平時海南誇麗侈巨舶通重洋珍貨聚寶
賄笙歌徹夜喧紅燈照江水豈知罹烽燹園宅倏遷徙
竄身榛莽叢流離迫凍餒盛衰有循環天道詎終否比
聞夷務輯橐弓佇旋凱虜驕愁反覆私憂切桑梓昨覽
檄夷書疾聲忿醜詆忠義固在民苟祿亦可恥古人重
召募鄉團良足倚剿撫苟協宜猖獗胡至此我朝况
全盛幅員二萬里島夷至么臚滄海渺梯米廟堂肯用

兵終當掃稊。微臣憤所切。陳義愧青史。蒼茫望嶺嶠。
撫劍獨流涕。此篇先從林昌彝詩話錄刻。後以怡志堂稿校。各有增刪。自汪老尚書謂隆參贊文。

有感

張鴻基

路隔中原萬里遙。是誰開館納鵑鴝。蠻奴有餅皆稱佛。
商舶無煙不吐妖。尺土豈容輕假借。多金祇買禍根苗。
重臣幾輩閒持節。未上籌邊議一條。自某督聽英夷設立夷館。借與粵東馬頭內地烏煙遂充斥。

抗疏拚將積弊除。漏卮欲塞竟何如。夷吾死後誰籌海。
賈誼生平此上書。天以人多開殺運。民緣業少失安居。
閉關就使交能絕。已是殘棋被劫初。

斗大孤城倚夕陽
舶來猶是認通商
早知橫海兵能渡
可惜巖關備未張
頡利處心非旦夕
卞侯埋骨竟沙場
紙鳶信斷重圍急
大帥巡秋正出洋

望斷經年報捷旂
舟山依舊陣雲飛
一城烈火轟銅礮
萬帳寒風擁鐵衣
見說用兵機貴密
敢云扼險計全非
惟他幕府偏無事
閒寫劉娘玉貌肥

消息傳來總未真
眉梢憂喜雜頻頻
挺身赴國今何日
藉口和戎古有人
風鶴警猶傳粵海
水犀軍復合天津
寶刀不飲樓蘭血
多少英雄願未伸

又鴻基讀史有感摘句英雄效死偏無地上相等邊
別有才竟爾和戎曾地割是誰揖盜又門開議戰議

和紛不定岳韓忠勇竟何成狂寇
稱兵猶跋扈平章謀國是調停

有感

周瀛暹

太息耶穌妄說天毀儒訕佛謗神仙世無原道昌黎子
誰挽狂瀾障百川

臺江七日教堂前白鬼紅毛禮拜虔蠢蠢小民紛聽講
祇緣賺得杖頭錢

三元里歌

按此篇蓋指辛丑歲
廣州鄉民禦夷寇事

張維屏

三元里前聲若雷千衆萬衆同時來因義生憤憤生勇
鄉民合力強徒摧家室田廬須保衛不待鼓聲羣作氣
婦女齊心亦健兒犁鋤在手皆兵器鄉分遠近旗斑斕

什隊百隊沿溪山衆夷相視忽變色黑旗死仗難生還

夷打死仗則用黑旗迤有執神廟

七星旗者夷驚曰打死仗者至矣

夷兵所恃惟鎗礮人

心合處天心到晴空驟雨忽傾盆兇夷無所施其暴豈

特火器無所施夷足不慣行滑泥下者山塍苦躑躅高

者岡阜愁顛擠中有夷酋貌尤醜象皮作甲裹身厚一

戈已擗長狄喉十日猶懸郅支首紛然欲遁職渠易忽

開巨網攸然逝秦人慷慨賦同仇晉臣且作和戎議

會匪補句

張南山聽松廬詩話粵西黎建三詩云悍民始一
二歲久因爲奸兔窟錯犬牙烏合互相連涓涓將
不塞浩浩成狂瀾此殆有慨於除莠之難耶今之
會匪莫知其數涓涓不塞其患非細思患象方所

國朝詩錄

卷十三 島夷補

美

望當事者
熟籌之